

UNIVERZITET U TUZLI  
Broj: 01-35-JN-12/21 LOT 3  
Tuzla, 17. 05 .2021. godine

Na osnovu člana 70. i 71. Zakona o javnim nabavkama BiH («Službeni glasnik BiH» broj: 39/14) i člana 65. stav (1) tačka r) Statuta JU Univerzitet u Tuzli broj: 03-730-1/17 od 03.02.2017. godine, i Odluka o izmjenama i dopunama Statuta JU Univerzitet u Tuzli broj:03-593-1-1/20 od 30.01.2020. godine i broj: 03-6094-1/20 od 17.12.2020. godine, a nakon razmatranja Zapisnika Komisije o pregledu i ocjeni ponuda broj: 01-35-JN-11/21 (LOT 3) od 07. 05. 2021. godine, po punomoći Rektora Univerziteta u Tuzli broj: 01-2593-1/20 od 11. 06. 2020. godine, Direktor za ekonomske poslove donio je

## O D L U K U O IZBORU NAJPOVOLJNIJEG PONUĐAČA

### I

U okončanom Otvorenom postupku javne nabavke laboratorijske opreme za Farmaceutski fakultet Univerziteta u Tuzli (LOT3) u cilju realizacije projekta odobrenog od strane Federalnog ministarstva obrazovanja i nauke *Nabavka opreme za NIR Farmaceutskog fakulteta* - LOT 3, izabran je ponuđač „SINEKS LABORATORIJA“ d.o.o. Banja Luka sa ponuđenom cijenom u ukupnom iznosu od 8.466,00 KM (bez PDV-a) odnosno 9.905,22 KM sa uračunatim PDV-om, te se istom dodjeljuje ugovor o nabavci.

### II

Ponuda ponuđača iz tačke I ove Odluke odabrana je iz razloga što u svemu zadovoljava uslove postavljene u Tenderskoj dokumentaciji i zato što je nakon okončane „E-aukcije“ imala najnižu ponuđenu cijenu.

### III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostavi original ili ovjerene kopije dokaza iz člana 45. Zakona o javnim nabavkama BiH koji su precizno definisani u tenderskoj dokumentaciji.

## O b r a z l o ž e n j e

Univerzitet u Tuzli pokrenuo je postupak javne nabavke opreme za Farmaceutski fakultet Univerziteta u Tuzli (LOT3) u cilju realizacije projekta odobrenog od strane Federalnog ministarstva obrazovanja i nauke *Nabavka opreme za NIR Farmaceutskog fakulteta* - LOT 3, putem Otvorenog postupka javne nabavke, Obavještenje broj: 795-1-1-30-3-39/21, sažetak obavještenja u „Službenom glasniku BiH“ broj: 21/21 i web stranici Univerziteta. U ostavljenom roku ponude je dostavilo 5 (pet) ponuđača: „Semikem“ d.o.o. Sarajevo, „NEXIS“ d.o.o. Sarajevo, „MIKRO+POLO“ d.o.o. Sarajevo, „KEFO“ d.o.o. Istočno Sarajevo i „SINEKS LABORATORIJA“ d.o.o. Banja Luka.

Analizom dostavljenih ponuda utvrđeno je slijedeće:

- Ponuđač „NEXIS“ d.o.o. Sarajevo je ponudio samo centrifugu TGL18M, Kaida, ali u ponudi nije naglašen tip rotora koji nudi uz datu centrifugu. Tačnije ponudjač je dostavio samo popis svih dostupnih rotora na tržištu koji su kompatibilni sa datom centrifugom ali nije naveo tip rotora koji nudi. Nadalje, uvidom u specifikacije uređaja je uočeno da na popisu datih rotora angle rotor No.9. 24x1,5/2 ml ostvaruje maksimalnu brzinu od 15.000 rpm a zahtijevano je 18.000 rpm, što znači da minimalne tehničke karakteristike nisu zadovoljene. Zbog navedenog ponuda ponuđača NEXIS“ doo Sarajevo se odbacuje kao neprihvatljiva.

- Ponuđač „KEFO“ d.o.o. Istočno Sarajevo je ponudio centrifugu Hermle Z 326 K, zatim angle rotor šifra 220.87 V21, te adaptere za PCR šifra 704.004. Ponuda nije odgovarajuća jer sa traženim rotorom ponudjena centrifuga ostvaruje maksimalnu brzinu od 15.000 rpm, što ne zadovoljava minimalne tehničke specifikacije. Nadalje ponudjač nije u ponudi naveo tačan broj adaptera za PCR koje nudi. Obzirom da je traženi rotor sa 24 mjesta, neophodno je ponuditi 24 adaptera za PCR.  
Zbog navedenog ponuda ponuđača „KEFO“ doo Istočno Sarajevo se odbacuje kao neprihvatljiva.
- Ponuđač „SEMIKEM“ d.o.o. Sarajevo doo je ponudio MIKRO 220 R centrifugu i rotor šifre 1195-A. Ponudjač nije ponudio adaptere za PCR koji se kod ovoga tipa centrifuge i za odabrani rotor naručuju pod posebnom šifrom i nisu dio prateće opreme uz ponudjeni rotor. Zbog navedenog ponuda ponuđača „SEMIKEM“ doo Sarajevo se odbacuje kao neprihvatljiva.

Ponude ponuđača „MIKRO+POLO“ d.o.o. Sarajevo i „SINEKS LABORATORIJA“ d.o.o. Banja Luka sadrže sve dokaze zahtijevane Tenderskom dokumentacijom zbog čega su ocijenjeni kvalifikovanim za dobro obavljanje posla i njihove ponude tehnički prihvatljive.

Prihvatljive ponude kvalifikovanih ponuđača Univerzitet je unio u bazu „E-nabavke“ da bi se iste vrednovala u odnosu na zadani kriterij odabira „naniža cijena i to putem e-aukcije, u skladu sa Pravilnikom o uslovima i načinu korištenja e-aukcije („Službene novine BiH“ broj: 66/17).

Nakon okončane e-aukcije e-aukcije i u skladu sa Izvještajem o toku i završetku e-aukcije od 04.05.2021. godine sačinjena je slijedeća rang lista ponuda po povoljnosti:

1. „SINEKS LABORATORIJA“ d.o.o. Banja Luka..... 8.466,00 KM, bez PDV-a,
2. „MIKRO+POLO“ d.o.o. Sarajevo.....8.474,50 KM bez PDVa

Budući da ponuda ponuđača „SINEKS LABORATORIJA“ d.o.o. Banja Luka u svemu zadovoljava zahtjeve Univerziteta predviđene Tenderskom dokumentacijom, te da je za 0,4 % niža od početne cijene Komisija je predložila da se istom dodijeli ugovor.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektora Univerziteta u Tuzli direktor za ekonomske poslove prihvatio je preporuku Komisije i odlučio kao u dispozitivu ove Odluke.

**Pouka o pravnom lijeku:** Protiv ove Odluke može se podnijeti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1., 75 000 Tuzla.

Prilog: Zapisnik o pregledu i ocijeni ponuda broj:


01-35-JN-11/21 LOT 3 od 07. 05. 2021. godine

Izvještaj o toku i završetku „e-aukcije“ od 04.05.2021.

DOSTAVITI:

1x učesnicima

1x a/a



DIREKTOR  
EKONOMSKE POSLOVE

*Tihomil Matović*  
Matović, dipl.oec.